



In sabeda ai 07 de furà él gnü tignì la secunda gara dl „Südtirolcup 2014/15“ ite in Ulten. Chësta gara é al'indemo tēmp inće stada l'ultima ocajiun por se cualifiché ai campionać europeichs, che vëgn in chësc ann tignîs tla Slovenia, plö avisa a Jesenice.



Do le program ess chësta gara bele messü gnì tignida a mët man de jenà, por le tēmp é chësta indere gnüda sborlada a chësc fin dl'edema.

Sön la pista a Ulten fej indô i atleć ladins gran parüda. I bugn resultać ne é nia mancià.

Pro i ëi é le talent Tschaffert Diego indô sön le scalin plö alt, cun le tēmp de 1'27.26 ti sciampel dant a Roman Kaser y Troger Mathias (trami cun le tēmp de 1'27.49), terzo Mattelo Clara da Lungiarü. Tla medema categoria röia Florian Rubatscher al 8 post.

Tla categoria master B arjunj Miribung Carlo le bun 2 plazamënt cun le tēmp de 1'29.54.

Le atlet jonn Ploner Alex rōia inće sōn podest a pié dô la medaia d'arjēnt cun le tēmp de 1'29.98, tla medema categoria rōia Moling Manuel al 4° post.

La picia atleta Manuela Rubatscher à te chēsc fin dl'edema tut pert a dōes competiziuns, pro trames ara fat le secundo miù tēmp.

Ćiamò n ater secundo post é stè le duo Tschaffert/Moling che à fat. Por pūch se fej chisc sciampè dant dal duo Troger/Schwienbacher.

Por stlū jō chēsc fin dl'edema rich de medaies d'arjēnt, ne podol sambēgn nia mancè le secundo post pro la tlassifica a scuadres, daulache le U.S. La Val à arjunt la soma de 7'25.89 do le ASV Pfeffersberg cun le tēmp de 7'23.82.

La proscima y ultima competiziun por le Südtirolcup vëgn tignida le proscim fin dl'edema de furà sōn la pista "Panorama" a Valdaora.

I atri resultač y plazamënc di atleč da La Val ciafen chilò: [risultati](#)

Por deplö informaziuns, por ci che reverda resultač, novitês y le program dla lüsa pon vijité la plata internet sot a chësc linch: <http://www.sportrodel.it/>





[Südtirolcup 2014/15 - 2ª gara Ulten y "Raika Jugendrennen"](#)



Foto: [Dropbox](#)